



# Osnovna škola "ĆAMIL SIJARIĆ" Sarajevo

Sarajevo, ul Braće Mulić 16; Telefoni: Direktor 543-196; Sekretar 541-534; Fax: 544-301; e-mail: oscamils1@gmail.com

01- 101-1 / 21

Datum: 03.02.2021. godine

Na osnovu člana 96. Zakona o osnovnom odgoju i obrazovanju ( „ Sl. novine Kantona Sarajevo“ broj: 23/17, 33/17, 30/19 i 34/20) Naredbe broj: 01-33-7403/20 od 03.01.2021. godine, Privitak 1. Naredbe Kriznog stožera Federalnog ministarstva zdravstva i Preporuke Kriznog stožera Federalnog ministarstva zdravstva od 17.01.2021. godine, smjernica Zavoda za javno zdravstvo Federacije BiH i smjernica za prevenciju i kontrolu infekcije COVID-19 u osnovnim i srednjim školama u Kantonu Sarajevo JU Zavoda za javno zdravstvo Kantona Sarajevo, Uputstva Ministarstva za odgoj i obrazovanje broj: 11/04-34-2024-3/21 od 2.2.2021. godine donosi se:

## KRIZNI PLAN PRIPRAVNOSTI I ODGOVORA NA POJAVU ( COVID -19 )

Plan rada i aktivnosti:

Utvrđuje se dnevni raspored rada za radnike:

- U školi treba biti najmanji mogući broj radnika u isto vrijeme, koji je dovoljan da se može neometano odvijati odgojno-obrazovni proces
- Radnicima se, svakodnevno, prilikom dolaska na posao mjeri tjelesna temperatura.
- U slučaju povišene tjelesne temperature ili bilo kog respiratornog simptoma, isti se vraćaju kući i javljaju izabranom ljekaru porodične medicine. Ukoliko se radniku povisi tjelesna temperatura i/ili se pojavi neki od respiratornih simptoma u toku radnog vremena, dužni su odmah napustiti radno mjesto, te o tome obavjestiti nadređenog i javiti se svom izabranom ljekaru porodične medicine.
- Svi radnici ulaze u školu na jedan ulaz, prilikom čega prolaze kroz dezinfekcijsku barijeru (gazište za obuću). - Ulaskom u unutarašnji prostor odmah dezinfikuju ruke propisanim dezinficijensom. Pri korištenju dezinfekcijskih sredstava voditi računa o pravilnoj primjeni istih, u skladu sa uputstvom proizvođača, vezanom za namjenu, koncentraciju, način primjene i neophodno kontaktno vrijeme.
- Ostali radnici takođe prolaze ovaj protokol, nakon čega odlaze na svoja radna mjesta (kancelarije, kuhinja itd.).
- Preporučuje se radnicima obrazovnih ustanova što kraće zadržavanje u zajedničkim prostorima obrazovnih ustanova (zbornice, kantine, hodnici i slično), te obavljanje poslovnih aktivnosti usmjeriti na ostale mogućnosti poslovne komunikacije primjenom informatičko- komunikacijske tehnologije.
- Naređuje se obavezno nošenje zaštitnih maski preko usta i nosa za zaštitu respiratornog sistema u zatvorenom prostoru uz poštivanje distance od minimalno 2 m.
- Izuzetak od nošenja zaštitnih maski su: djeca mlađa od šest godina, osobe koje imaju probleme sa disanjem zbog hroničnih bolesti ili koja ne mogu skinuti masku bez pomoći druge osobe, npr. osobe sa intelektualnim poteškoćama ili smetnjama u razvoju, osobe sa oštećenjem sluha, sportisti na utakmicama, treninzima i sportskim aktivnostima.
- Nastavnici trebaju učenike konstantno podsticati na redovno i pravilno pranje ruku.

- Prije dolaska učenika u školu, roditelji su obavezni izmjeriti mu temperaturu, škola zadržava pravo mjerenja temperature učenicima.
  - Ukoliko učenik razvije bilo koji od simptoma COVID-19 ili sezonske gripe u školi, učenika se izoluje u posebnu prostoriju, nastavnik kontaktira drugo ovlašteno lice škole (pedagog, sekretar, zamjenik direktora, director, stručni saradnik) da pozove roditelje/staratelje učenika da odmah dođu po učenika u školu i obrate se nadležnom ljekaru. Dok ovlašteno lice škole kontaktira roditelje i dok roditelji ne preuzmu učenika, za učenika se obezbjeđuje briga u školi.
  - Ukoliko dođe do potvrde infekcije COVID-19 kod učenika ili nastavnika, škola je dužna postupiti u skladu sa preporukama epidemiologa.
  - Preporuka je da nastavnik provodi što više vremena sa učenicima na otvorenom, ukoliko to vremenske prilike i nastavne aktivnosti dozvoljavaju.
  - Nastava će se realizirati u grupama do maksimalno 15 učenika.
  - Pokušati osigurati fizički razmak od 2 m između učenika. Fizički razmak neophodno je podsticati.
  - Izbjegavati fizički kontakt (bliski kontakt) učenika između grupa/odjeljenja.
  - Kako bi se izbjeglo okupljanje većeg broja učenika na jednom mjestu u isto vrijeme, omogućiti dostavljanje obroka djeci u učionice odnosno u prostorima koji su isključivo namjenjeni ishrani. Ne dozvoljavati da učenici među sobom dijele hranu, kao ni pribor za jelo.
  - Osobe koje rade na pripremi i distribuciji hrane moraju nositi maske i rukavice i sprovesti mere pojačane lične higijene, posebno učestalog pranja ruku i mere pojačane opšte higijene.
- Provoditi edukativne aktivnosti sa djecom, a sa ciljem njihovog lakšeg usvajanja i razumijevanja pravila postupanja o važnosti:
- pravilnog pranja ruku, minimum 20 sekundi toplom vodom,
  - kašljanja i kihanja u maramicu ili u podlakticu,
  - izbjegavanje dodirivanja lica, očiju, nosa, usta.
  - Na vidnim mjestima postaviti edukativne postere sa preporukama o preventivnim aktivnostima. Sadržaj na istim prilagoditi dobi učenika.
  - Ukoliko neki učenik izostaje, kontaktirati roditelje i interesovati se za razloge izostanka.
  - Ne provoditi organizovane grupne aktivnosti u školi (priredbe i sl.), kao ni organizovane posjete mjestima gde se očekuje okupljanje većeg broja ljudi (muzeji, pozorišta i sl.), izlete, ekskurzije itd. ukoliko se ne mogu ispoštovati važeće epidemiološke mjere.
  - Preporuka je da učenici ne dezinfikuju ruke, već kako je navedeno, akcenat staviti na pojačanu higijenu ruku sapunom i vodom.
  - Utvrđuju se obaveze za radnice na održavanju čistoće:
    - izvršiti čišćenje i dezinfekciju svih površina i predmeta unutar objekta škole;
    - Površine kao što su: kvake na vratima, prozorima, radne površine, slavine u toaletima i kuhinjama, ručke vodokotlića, ručke ormarića, daljinske upravljače, prekidače za struju, zvona na vratima, stolove, stolice, kao i sve druge dodirne površine neophodno je dezinfikovati na kraju svake smjene, a čistiti ih više puta u toku dana;
    - Čišćenje se provodi kada učenici nisu u školi, čistiti i dezinfikovati sve površine i predmete odmah po odlasku učenika iz škole;
    - Svakodnevne procedure čišćenja i dezinfekcije odnose se i na objekte u dvorištu.

- Čišćenje uključuje suho i vlažno čišćenje, uz redovno provjetravanje.
- Prilikom korištenja sredstava za čišćenje važno je:
  - Pridržavati se uputa za korištenje koje je naveo proizvođač sredstva.
  - Izbjegavati kontakt sredstva s očima i kožom, te ga držati dalje od dohvata učenika.
  - Provjetravati prostorije u kojima se koriste dezinfekciona sredstva

Upute za čišćenje:

- Prije nego što se počne sa čišćenjem, staviti masku i rukavice.
  - Izbjegavati dodirivanje lica i očiju tokom čišćenja.
  - Držati otvorene prozore da se prostor provjetrava.
  - Očistiti pod sredstvom za čišćenje, te nakon toga ga dezinficirati.
  - Očistiti toalete, uključujući WC šolju i sve dostupne površine u toaletu sredstvom za čišćenje, te nakon toga dezinfikovati.
  - Nakon čišćenja krpe prati na 90 °C.
  - Skinuti rukavice i masku, a zatim oprati ruke sapunom i toplom vodom.
  - Sav otpad nastao tokom čišćenja treba, što je prije moguće, odložiti u kantu za otpad.
  - Ostaviti prozor otvoren da se prostorija dobro prozrači.
- Prije dolaska učenika obavezno prozračiti prostorije u trajanju od pola sata. Istu proceduru ponoviti i nakon odlaska učenika.
  - Pribor i sredstva za čišćenje i dezinfekciju moraju se držati van domašaja učenika i ne smiju se primjenjivati u neposrednoj blizini učenika, kako bi se izbjeglo udisanje eventualnih isparenja.
  - S obzirom na trenutnu epidemiološku situaciju, radnice na održavanju čistoće su obavezne preporuke primjenjivati u cilju prevencije i kontrolisanja infekcije COVID-19, te svaka radnica odgovara za prostorije za koje je zadužena. Preporuke se temelje na trenutno dostupnim naučnim dokazima i stručnom mišljenju i podliježu promjenama ukoliko nove informacije o COVIDU-19 postanu dostupne.

Utvrđuju se preporuke za roditelje:

- -Ukoliko dijete ima neke od simptoma bolesti roditelji ga ne dovode u školu, već se javljaju nadležnom ljekaru. Ulazak roditelja/staratelja u školu svesti na minimum. Roditelji/staratelji učenike dovode i odvođe na način da, ako je ikako moguće, ne ulaze u ustanovu, već dolaze do ulaza pri čemu poštuju fizičku distancu od najmanje 2 metra u odnosu na druge roditelje/staratelje i učenike.
- Radne obaveze i poštivanje mjera ostaju na snazi do donošenja nove Naredbe od strane Kriznog štaba Federalnog ministarstva zdravstva i Instrukcije Ministarstva za obrazovanje, nauku i mlade Kantona Sarajevo.

Direktorica škole:  
Esada Sahinagic

